

Հ Ո Ղ Վ Ա Մ Ն Ե Ր

Վ. Ի. ԼԵՆԻՆԸ ՑԻՄԵՐՎԱԼԴՅԱՆ ՇԱՐԺՄԱՆ ԿԱԶՄԱԿԵՐՊԻՉ

2. Խ. ԴԱՐԲԻՆՅԱՆ

Առաջին իմպերիալիստական պատերազմը մի կատարյալ փորձություն էր միջազգային բանվորական շարժման համար: Հակառակ Երկրորդ ինտերնացիոնալի Շտուտգարդի, Կոպենհագենի, Քաղեյի կոնգրեսների որոշումներին, սոցիալ-դեմոկրատական կուսակցությունները քվեարկելով ռազմական վարկերի օգտին, անցան իրենց բուրժուական կառավարությունների կողմը:

Երկրորդ ինտերնացիոնալի մեծամասնության դավաճանությունը բանվոր դասակարգի շահերին ռեակայական աղետ էր, որ ապրել է բանվոր դասակարգը իր ամբողջ պատմության ընթացքում¹:

Որպեսզի քողարկեն մարքսիզմի հանդեպ կատարած իրենց դավաճանությունը, երկրորդ ինտերնացիոնալի առաջնորդները սկսված պատերազմը, իրենց երկրների համար, որակեցին որպես ազգային, պաշտպանողական պատերազմ: Հին ռեզիդուանտ Ֆոլմարը հայտարարում էր, թե Վերմանական ժողովուրդը հանգիստ չի կարող մնալ, քանի դեռ ջախջախված չեն նրա վրա հարձակվող բոլոր թշնամիները²:

Շայդեմանը հանդես գալով գերմանական բոլոր սոցիալ-շովինիստների անունից, հիմնական մեղքը գցում էր ցարական կառավարության վրա: «Մեր՝ գերմանացիներիս վրա ընկած է պաշտպանվելու պարտականությունը: Մեր առաջ... կանգնած է Ռուսաստանի նվաճումից պաշտպանվելու խնդիրը: Մենք՝ սոցիալ-դեմոկրատներս, որ միացել ենք սոցիալիստական ինտերնացիոնալին, չենք դադարում գերմանացիներ լինելուց»³:

Երկրորդ ինտերնացիոնալի կրախի հետևանքով միջազգային բանվորական շարժման մեջ առաջ եկավ երեք հիմնական ուղղություն. ժայրահեղ սոցիալ-շովինիզմը, ցենտրիզմը և հեղափոխական ինտերնացիոնալիզմը:

Ինտերնացիոնալիստական հոսանքում ամենահետևողականը բուլղերիկների քուսակցությունն էր՝ Վ. Ի. Լենինի ղեկավարությամբ: 1914 թ. նոյեմբերի 1-ին բուլղերիկյան «Սոցիալ-դեմոկրատ» թերթում լույս տեսավ Լենինի «Պատերազմը և Ռուսաստանի սոցիալ-դեմոկրատիան» վերտառությամբ մանիֆեստը: «Ինտերնացիոնալի առաջնորդները, — նշված է մանիֆեստում, — սոցիալիզմի նկատմամբ դավաճանություն կատարեցին, քվեարկելով պատերազմական

¹ У. Фостер, История трех Интернационалов, М., 1959, стр. 235.

² Walling N. E., The socialists and the War. n. y., 1915, p. 240.

³ Նույն տեղում:

վարկերի օգտին, կրկնելով «իրենց» երկրների բուրժուազիայի շովինիստական, «հայրենասիրական» լոզունգները, արդարացնելով և պաշտպանելով պատերազմը, մտնելով պատերազմող երկրների բուրժուական միմյանցիկության մեջ...»⁴։ Մանիֆեստում Վ. Ի. Լենինը առաջ քաշեց իմպերիալիստական պատերազմը քաղաքացիականի վերածելու լոզունգը։ Նա կոչ էր անում խզել կապերը օպորտունիզմից և ձեռնամուխ լինել նոր, հեղափոխական ինտերնացիոնալիստներին։ Լենինյան լոզունգները այլ կերպ մեկնաբանեցին սոցիալ-շովինիստները։ Նրանք հայտարարում էին, թե Լենինը պառակտման կողմնակից է։ Այդ առթիվ Կրուպսկայան գրում է. «Զի կարելի գործը ներկայացնել այնպես, թե Լենինը մտածում էր միայն այն մասին, թե ինչպես պառակտվել, ընդհակառակը, ... նա ավելի շատ մտածում էր ուժերի համախմբման մասին»⁵։

Իմպերիալիստական պատերազմի և սոցիալ-շովինիստների դավաճանական քաղաքականության դեմ մղվող պայքարում ակտիվորեն հանդես եկան նաև Արևմտյան Նիդրլանդների, Բալկանների և ԱՄՆ-ի հեղափոխական ինտերնացիոնալիստները։

Իմպերիալիստական պատերազմի դեմ անվեհեր պայքար էին մղում Գերմանիայում հեղափոխական սոցիալ-դեմոկրատները՝ Կ. Լիբկնեխտը, Կ. Յետկինը, Ֆ. Մերինգը, Յա. Տիշկան, Վ. Պիկը և ուրիշներ։ Լիբկնեխտը առաջինն էր Գերմանիայում, որ պահանջեց կրախի ենթարկված ինտերնացիոնալի փոխառեն ստեղծել նոր ինտերնացիոնալ։

Բալկաններում ինտերնացիոնալիստական հետևողական գիծ էին անցկացնում բուլղարական «տեսնյակ» սոցիալիստները՝ Դ. Բլագոևի, Վ. Կոլարովի, սերբիական ձախերը՝ Լանցկիչի և Կացլերովիչի գլխավորությամբ։

Հոլանդիայում ձախերը (Պանեկուկ, Գորտեր, Վայնկոպ, Հոլստ և ուրիշներ) համախմբված էին «Die tribune» թերթի շուրջը։ Նրանք ստեղծեցին հոլանդական անկախ «սոցիալ-դեմոկրատական կուսակցությունը» բոլշևիկյան դիրքորոշմամբ։ Վ. Ի. Լենինին ուղարկած նամակում հոլանդական «սոցիալ-դեմոկրատները» գրում են. «Մենք մտադիր ենք գործել այնպես, ինչպես դուք... (բոլշևիկները.—Հր. Դ.), և կաշխատենք պրոլետարիատին արթնացնել հեղափոխական ելույթների՝ պատերազմի ու կապիտալիզմի դեմ»⁶։ Շվեդիայի ու Նորվեգիայի ձախերը գլխավորապես երիտասարդներ էին. «ձախ երիտասարդները»՝ Կ. Խեգլունդի և Ներմանի գլխավորությամբ։

Միջազգային սոցիալիստական կապերի վերականգնման առաջին փորձը կատարեց իտալական սոցիալիստական կուսակցությունը, որը շվեյցարական սոցիալիստների խմբի հետ 1914 թ. սեպտեմբերի 27-ին Լուգանոյի կոնֆերանսում քննարկեց այդ կապերի վերականգնման ուղիների հարցը։ Կոնֆերանսի մասնակիցները ծանոթացան ՌՄԴԲԿ ԿԿ-ի՝ պատերազմի վերաբերյալ բանաձևի թեզիսներին, որոնք իրենց արտահայտությունը գտան նաև կոնֆերանսի որոշման մեջ։ Սակայն ընդունված բանաձևն ուներ ցենսորիստական բնույթ։ Բոլշևիկյան բանաձևի հետ ծանոթացան նաև մյուս երկրների ձախերը։ Վ. Ի. Լենինը Շվայնիկովին գրած հոկտեմբերի 27-ի և 31-ի նամակներում խնդրում էր բանաձևը թարգմանել ու տարածել Շվեդիայում։ «Թող Կոլոնթայը,— գրում է նա,— օգնի տարածելու այդ մանիֆեստը այլ լեզուներ

4 Վ. Ի. Լենին, Երկեր, հ. 21, էջ 20։

5 «Исторический архив», № 2, 1960, стр. 173։

6 ЦПА ИМЛ при ЦК КПСС, ф. 17, оп. 16, ед. хр. 40699, лл. 1—2.

րով ... Մանոթացիք շվեդական երիտասարդ սոցիալ-դեմոկրատ, «օպոզիցիայի» առաջնորդ Hoglund-ի հետ, կարդացք նրան մեր մանիֆեստը (հենվեցեր ինձ վրա, մենք ծանոթացել ենք Կոպենհագենում): Փորձեցք, հնարավոր չէ՞ սրդյոք այստեղ զաղափարական մերձեցում: (Նա միայն նախ, սենտիմենտալ հակաիմպերիալիստ է) ահա հենց այդ մարդկանց պետք է ասել. կամ բաղադրական պատերազմի լոգոնգներ, կամ մնալ օպորտունիստների ու շովինիստների հետ»⁷:

Իմպերիալիստական բուրժուազիայի ավելի հեռատես քաղաքագետները ժողովրդական մասսաներին հանգստացնելու նպատակով երբեմն-երբեմն խոսում էին ցանկալի հաշտության մասին: Այդ գործում նրանց օգնում էին ցենտրիստներն ու սոցիալ-շովինիստները: Լենինը խիստ զգուշորեն էր մոտենում խաղաղության օգտին ցենտրիստների ու պացիֆիստների այդ ելույթներին: Նա հասկանում էր, որ իրականում այդ ելույթները տանում են դեպի պատերազմի մինչև հաղթական ավարտը: Այդ պատճառով էլ Վ. Ի. Լենինը խիստ բացասական վերաբերմունք ցույց տվեց սոցիալ-շովինիստների լոնդոնի ու Վիեննայի կոնֆերանսներին:

Լոնդոնի կոնֆերանսին (1915 թ. փետրվար) մասնակցում էին Անգլիայի, Ֆրանսիայի, Բելգիայի սոցիալիստական կուսակցությունների լիդերները: Ռուսաստանից հրավիրված էին մենշևիկներն ու էսեռները: Բայց, Լենինի հանձնարարությամբ, կոնֆերանսին մասնակցեց նաև բոլշևիկների ներկայացուցիչ Տ. Մ. Լիտվինովը (Մաքսիմովիչը):

Բոլշևիկների լոնդոնյան սեկցիան բողոքեց այն բանի դեմ, որ «կոնֆերանսին հրավիրված են միայն եռյակ համաձայնության երկրների սոցիալիստների ներկայացուցիչները» և նրա «կազմակերպիչները տեղյակ չեն պահել սոցիալիստական բոլոր կուսակցություններին, որոնք ներկայացված են ինտերնացիոնալում...»⁸: Լիտվինովին հնարավորություն չարվեց կոնֆերանսում շարադրել բոլշևիկյան բանաձևը պատերազմի մասին: Թեզիսները հանձնելով կոնֆերանսի նախագահին, նա հեռացավ նիստերի դահլիճից:

Գերմանական և ավստրիական սոցիալ-դեմոկրատները լոնդոնյան կոնֆերանսին հակադրեցին 1915 թ. ապրիլին Վիեննայում հրավիրված իրենց կոնֆերանսը, որտեղ ևս պատրաստակամություն հայտնվեց ամեն կերպ օգնել «հայրենիքի պաշտպանությանը»:

Վ. Ի. Լենինը ուշադրությամբ հետևելով սոցիալ-շովինիստների ու ցենտրիստների գործունեությանը, բոլշևիկների առաջ խնդիր դրեց միավորել միջազգային սոցիալ-դեմոկրատիայի հեղափոխական ուժերը, որոնք ակտիվ պայքարի էին ելել իմպերիալիստական պատերազմի դեմ:

ՌՍԴԲԿ ԿԿ-ի արտասահմանյան բյուրոն և բոլշևիկների արտասահմանյան կազմակերպությունների կոմիտեն ամենաակտիվ մասնակցություն ցույց տվին կանանց միջազգային սոցիալիստական կոնֆերանսի նախապատրաստմանը: Նրանց հանձնարարությամբ Կրուպսկայան, Արմանդը, Կոլոնթայը, Ստալը, Ռավիչը և ուրիշ կին բոլշևիկներ ակտիվ գրագրության մեջ մտան բոլոր երկրների կին ձախ սոցիալիստների հետ⁹: Սակայն Անգլիայի, Ավստրիայի, Հո-

⁷ Ленинский сборник, II, стр. 202.

⁸ ЦПА ИМЛ при ЦК КПСС, ф. 351, оп. 12, ед. хр. 29405, л. 1.

⁹ Նույն տեղում, ֆ. 17, оп. 1, ед. хр. 1815, лл. 1—2.

լանդիայի պատվիրակությունների պահանջով կոնֆերանսին հրավիրվեցին նաև ցենտրիստները¹⁰։ Չնայած դրան, բոլշևիկները որոշեցին մասնակցել կոնֆերանսին։ Բոլշևիկյան պատվիրակության մեջ մտան Ն. Կրուպսկայան, Ի. Արմանդը, Ե. Ռոզմիրովիչը։ Գերմանիայից կոնֆերանսին մասնակցում էին Կ. Ցետկինը, Տալհայմերը, Կետի Դյունկերը, Աուգենտցերը, Ֆրանսիայից՝ Լ. Սոմոնոն, Անգլիայից՝ Ֆիլիպսը, Մոնտեքսորեն, Հոլանդիայից՝ Ռուանդ Հոլստը, Անկերսմիտը, Շվեյցարիայից՝ Իցունին, Գրաբերը, Լեհաստանից՝ Մարկսկայան։ Կոնֆերանսում մենշևիկներին ներկայացնում էին Ա. Բալաբանովան և Իզոլսկայան¹¹։

Կոնֆերանսը (1915 թ. մարտի 26, Բեռն) հավանություն տվեց Ցետկինի բանաձևին, որտեղ մերկացվում էր «Հայրենիքի պաշտպանության» լուրջընդդեմը մերժեց Կրուպսկայայի և Արմանդի առաջարկը՝ իմպերիալիստական պատերազմը քաղաքացիականի վերածելու և նոր ինտերնացիոնալ ստեղծելու մասին։ Ցետկինը գրավեց հաշտվողական դիրք։ 1915 թ. հուլիսին Կոլոնթային գրած նամակում Լենինը նշում է, որ «ձախերի» գաղափարական դեկլարացիան հսկայական նշանակություն կունենար (իհարկե, ոչ ցետկինյան գեոհոլոթյան ոգով, որն անց է կացրել նա Բեռնի կանանց կոնֆերանսում։ Ցետկինը շրջանցել է սոցիալ-շովինիզմը դատապարտելու վերաբերյալ հարցը՝ Զյուդեկումի և Kautsky հետ «հաշտ լինելու ցանկությունից»)¹²։

Բոլշևիկյան պատվիրակությունը կոնֆերանսին ներկայացրեց բանաձևի իր նախագիծը։ Այնտեղ նշվում էր, որ եթե աշխատավոր կանայք ակտիվորեն մասնակցեն օպորտունիզմի դեմ մղվող պայքարին, ինչպես նաև հեղափոխական շարժումներին, ապա պրոլետարիատի պայքարը կպսակվի հաղթանակով։ «Առաջավոր երկրների պրոլետարիատը, — նշված է բանաձևում, — կհասնի սոցիալիզմին, իսկ հետամնաց երկրների պրոլետարիատը ձեռք կբերի դեմոկրատական հանրապետություն»¹³։ Սակայն բոլշևիկյան բանաձևը մերժվեց։ Կոնֆերանսը պացիֆիստական-ցենտրիստական դիրքերից հեռու չգնաց։

Նույն նշանաբանով անցավ նաև երիտասարդական միջազգային կոնֆերանսը, որը նույնպես տեղի ունեցավ Բեռնում (1915 թ. ապրիլ)։

Երիտասարդական և կանանց միջազգային կոնֆերանսները թեև նպաստեցին ինտերնացիոնալիստական ուժերի համախմբման գործին, բայց լավագույն դեպքում ռազմականակվեցին հին բանաձևերի կրկնությամբ, ցույց չտալով բանվորներին, որ սոցիալիզմի գործն անհուսալի է առանց սոցիալ-շովինիստների դեմ ուղղված պայքարի։ Դրանք լավագույն դեպքում եղել են տեղում արված ֆայլ¹⁴։

Ռոզբլը պատերազմի դեմ գնալով մեծ չափեր էր ընդունում։ Հեղափոխական բուռն շարժումներ էին տեղի ունենում պատերազմող բոլոր երկրներում։ «Արդեն այն փաստը, — նշված է գերմանական ռազմական մինիստրության հաշվետվության մեջ, — որ դեպքերը այսպիսի ընթացք են ընդունել, նշանա-

¹⁰ Նույն տեղում, ֆ. 456, օպ. 1, Էդ. քր. 27499, Լ. 1.

¹¹ Տե՛ս ЦПА ИМЛ при ЦК КПСС, ֆ. 343, օպ. 1, Էդ. քր. 27109, Լ. 1, 57, 58.

¹² Վ. Ի. Լենին, Երկեր, հ. 35, էջ 199.

¹³ ЦПА ИМЛ при ЦК КПСС, ֆ. 343, օպ. 1, Էդ. քր. 27109, Լ. 73—75.

¹⁴ Վ. Ի. Լենին, Երկեր, հ. 21, էջ 413.

կում է, որ պատերազմը և նրա առաջացրած թանկությունը հուզում և վրդովեցնում է մասսաներին¹⁵։

Զենտրիստները հասկանում էին, որ շարունակվող պատերազմի պայմաններում անհրաժեշտ է կիրառել մասսաներին «հանգստացնելու» նոր մեթոդներ։ Նրանք համառոտ են ձգտում էին վերականգնել ՄՍԲ-ի (միջազգային սոցիալիստական բյուրո) գործունեությունը։ Այդ ուղղությամբ ակտիվորեն գործում էին իտալական և շվեյցարական կուսակցությունների ցենտրիստական տարրերը։ Սակայն տեսնելով, որ ՄՍԲ-ի օգնությամբ հնարավոր չէ հրավիրել ինտերնացիոնալիստական կոնֆերանս, իտալական սոցիալիստական կուսակցության Կենտկոմը 1915 թ. մայիսի 15-ին որոշեց ստանձնել կոնֆերանսի հրավիրման նախաձեռնությունը։ Գործի անցան նաև շվեյցարական ցենտրիստները։ Կոնֆերանսի կազմակերպիչները ցենտրիստական կոնֆերանս հրավիրելու կուրս վերցրին։ «Բերնեյ թագավախտ» թերթի (Շվեյցարիա) խմբագիր Ռոբերտ Գրիմը տարածեց շրջաբերական նամակներ։ Նա հրավեր ուղարկեց միայն այն կուսակցություններին, որոնք ՄՍԲ-ի անդամ էին։ Այդ պատճառով նախնական խորհրդակցությանը չկարողացան մասնակցել հոլանդական տրիբունիստները, գերմանական ձախերը, լեհական ձախ օպորտյունիստները, շվեդական «Երիտասարդները»։ Գրիմը վրդովեց չհրավիրել նաև բուլղարներին, բայց Լենինը ժամանակին մերկացրեց այդ քայլը¹⁶։

1915 թ. հուլիսի 11-ին Բեռնում տեղի ունեցավ նախնական խորհրդակցություն, որին մասնակցեցին միայն չորս երկրների ներկայացուցիչներ՝ Ա. Բալաբանովան, Օ. Մորգարին (իտալական սոցիալիստական կուսակցություն), Պ. Աքսելրոդը (մենչևիկյան կազմկոմիտե), Ա. Վարսկին (լեհական սոցիալիստական կուսակցության գլխավոր վարչություն), Գ. Վալեցկին (լեհական սոցիալիստների կուսակցության ձախ խումբ), Գ. Զինովկը (բուլղարական Կենտկոմ) և Ռ. Գրիմը¹⁷։ Խորհրդակցությունում մեծամասնություն կազմեցին ցենտրիստները։ Մորգարիի ու Գրիմի հաղորդումներից երևում էր, որ նրանք ցանկանում էին ձախերի հետ միասին կոնֆերանս հրավիրել նաև ցենտրիստներին, գերմանական սոցիալ-պացիֆիստներին՝ Կաուցկուն, Հաազեին, Բեռնշտայնին։ Նույնիսկ խոսք եղավ բացահայտ սոցիալ-դավաճաններ Բրանտիգին, Տրուլսարային և ուրիշների հրավիրելու մասին։

Այդ առաջարկների դեմ խորհրդակցությունում հանդես եկավ բուլղարական Կենտկոմի պատվիրակը։ Նա առաջարկեց կոնֆերանս հրավիրել միայն այն կուսակցություններին, խմբերին, կազմակերպություններին, որոնք պատրաստ են ամենավճռական ձևով պայքարել «քաղաքական հաշտություն» ցենտրիստական գծի ու շովինիզմի դեմ։ Այնուհետև բուլղարներին ներկայացուցիչ առաջարկեց մինչև կոնֆերանսը հրավիրել երկրորդ նախնական խորհրդակցություն, որին կմասնակցեն հոլանդական, բուլղարական, սկանդինավյան, գերմանական, լեհական ու լատիշական ձախերը։ Երկար բանավեճից հետո որոշվեց կոնֆերանս հրավիրել բոլոր այն կազմակերպություններին ու խմբերին, որոնք պայքարում են պատերազմի դեմ։

Խորհրդակցության ժամանակ արդեն բուլղարները սկսեցին բանակցություններ վարել ձախերի հետ։ Լենինը Ռադեկին գրած նամակում պահանջում

¹⁵ ЦПА ИМЛ при ЦК КПСС, ф. 191, ед. хр. 625, л. 17.

¹⁶ *Տե՛ս* Ленинский сборник, XIV, стр. 161.

¹⁷ *Տե՛ս* նույն տեղում, էջ 162—163.

էր այդ բանակցութիւնները գաղտնի պահել Գրիմից, Բալաբանովայից, Տրոցկուց: Նա ընդգծում էր, որ եթե ձախերը համախմբվեն, ապա կփրկվի ինտերնացիոնալի դրոշը, «Հռլանդացիներ+մենք+գերմանական ձախեր=0 և այդ դժբախտութիւնն չէ, այլ այն հետո կլինի ոչ թե զերո, այլ ամբողջ»¹⁸:

Սակայն խորհրդակցութիւնը գտավ, որ հրավիրվող կոնֆերանսը չպետք է ծառայի նոր ինտերնացիոնալ ստեղծելու նպատակին: Նրա նպատակը պետք է լինի խաղաղութան օգտին պրոլետարիատին ելույթների կող անելը¹⁹: Սա մի անգամ ևս ցույց էր տալիս, որ ցենտրիստները դեռևս իրենց կապերը չէին խզել սոցիալ-շովինիզմից: Հաշվի առնելով այս հանգամանքը, Լենինը գրում էր. «Հնարավոր է թերևս, որ կոնֆերանսը կլինի «կապ» Կաուցկու և Ռենոդելի միջև՝ նրանց «հաշտութեան» համար: Այն ժամանակ սկանդալ կանենք և կհեռանանք՝ տալով հրաժարական»²⁰:

Իննսա Արմանդին ուղարկած նամակում նա գրում էր. «Ինձ շատ է վրդովում և հուզում Եվրոպայի սոցիալիստների դիրքը ներկա պատերազմում: Ես համոզված եմ, որ բոլորը, առաջին հերթին և առավելապես գերմանական սոցիալիստները, դարձել են «շովինիստներ»: Միանգամայն անհանդուրժելի է գերմանական ու ֆրանսիական... սոցիալիստական թերթեր կարդալը: Մայրահեղ «շովինիզմ»: Այնուհետև. «Ինձ ասել են, որ Մարտինովը (լիվիդատոր) Յուրիխում հրավիրել է խորհրդակցութիւն (ես կարծում եմ մասնավոր) և հենց սկզբից հարձակում է գործել գերմանական սոցիալիստների դեմ, բայց հետագայում (բանավեճի 2-րդ օրը) փոխել է կարծիքը (Աքսելրոդի քայքայիչ ազդեցութեան ներքո) և մերժել է այն բոլորը, ինչի մասին խոսել էր առաջ... Ամոթ...»²¹:

Վ. Ի. Լենինը ձախերի միասնութեան անհրաժեշտութեան հարցն առաջ քաշեց նաև Դ. Վայնկոպին գրած նամակում. «Կարևոր է, որպեսզի մենք ճշտեինք պատերազմի իմպերիալիստական բնույթը, պաշտպանեինք մարքսիզմը Կաուցկու, Պլեխանովի և Ընկ. կեղծումից»²²: Վայնկոպը պատասխան նամակում հայտնում է բոլշևիկների հետ ընդհանուր ծրագիր մշակելու վերաբերյալ տրիբունիստների ցանկութեան մասին²³:

Դեռ մինչև կոնֆերանսի բացումը Լենինը մշակեց ձախերի ընդհանուր դեկլարացիայի նախագիծը: Ռադեկին, Վայնկոպին, սկանդինավյան ձախերին գրած նամակներում նա պահանջում է մշակել հականախագծեր, կամ ուղղումներ մտցնել իր նախագծում: Միաժամանակ Լենինը ձգտում էր, որ կոնֆերանսում ձախերը մեծ թիվ կազմեն: Կոլոնթային նա գրում է. «Դուք պետք է լարեք բոլոր ուժերը, որպեսզի այստեղ ուղարկեք խելոյունդին կամ ամենաձախ ու ամենակայուն նորվեգացուն...»²⁴ և պահանջում է, որ սկանդինավյան պատվիրակները Յիմերվալդ գան կոնֆերանսից 2—3 օր շուտ: «Ես հույս

¹⁸ Ленинский сборник, XIV, стр. 165.

¹⁹ *St'v* Циммервальдская и Кинтальская конференции (оф. документы), Л.—М., 1924, стр. 16.

²⁰ «Новая и новейшая история», № 2, 1960, стр. 4 (Новые документы В. И. Ленина).

²¹ «Вопросы истории КПСС», № 4, 1960, стр. 3—4 (Новые документы В. И. Ленина).

²² *St'v* նույն տեղում, էջ 6:

²³ *St'v* ЦПА ИМЛ при ЦК КПСС, ф. 17, оп. 16, ед. хр. 40699, л. 1.

²⁴ Ленинский сборник, II, стр. 238.

ունեմ գալ երկու օր շուտ,— գրում է նա Ռադեկին,— եթե գուր ինձ հայտնեք, որ գերմանացիները նույնպես շուտ կգան...»²⁵,

Կոնֆերանսից մեկ օր առաջ տեղի ունեցավ ձախերի խորհրդակցություն, որտեղ, սակայն գերմանական պատվիրակները դեմ դուրս եկան բոլշևիկյան հարցադրումներին։ Լենինի քննադատությունից հետո Ռադեկը մշակել էր իր նախագիծը, որը և ներկայացվեց կոնֆերանսին ձախերի անունից²⁶։ Կոնֆերանսը տեղի ունեցավ 1915 թ. սեպտեմբերի 5—7-ը Շվեյցարիայի Ցիմերվալդ գյուղում։

Կոնֆերանսին մասնակցում էին Գերմանիայի, Ֆրանսիայի, Իտալիայի, Շվեյցարիայի, Ռուսաստանի, Հոլանդիայի, Լեհաստանի, Նորվեգիայի և բալկանյան ֆեդերացիայի ներկայացուցիչները՝ ընդամենը 38 պատվիրակ։

Պատվիրակների մեծամասնությունը կազմում էին ցենտրիստները՝ Գ. Լեդեբուրի գլխավորությամբ։ Այսպես կոչված Ցիմերվալդյան կենտրոնի մեջ մտնում էին 5—6 պատվիրակ, որոնց ղեկավարում էին Գրիմը և Տրոցկին։ Այդ խումբը, տատանվելով ձախերի և աջերի միջև, հիմնականում աջակցում էր աջ թևին։

Ցենտրիստների և կիսացենտրիստների դեմ կոնֆերանսում հանդես եկավ ինտերնացիոնալիստների ցիմերվալդյան ձախ խումբը՝ Վ. Ի. Լենինի ղեկավարությամբ։

Կոնֆերանսի բացման ժամանակ Գրիմը շտապեց հայտարարել, որ նա ձևապատակ չունի ստեղծելու նոր ինտերնացիոնալ»²⁷։ Սակայն հենց այդ հարցը իրականում դարձավ ցիմերվալդյան շարժման ձախ և աջ թևերի հետագա վիճաբանությունների առարկան։

Կոնֆերանսի սկզբում գերմանական և ֆրանսիական պատվիրակները ներկայացրին միասնական դեկլարացիա, որտեղ նշվում էր, որ իմպերիալիստական «պատերազմը... մեր պատերազմը չէ» և կոչ էր արվում բոլոր երկրների պրոլետարներին պայքարել պատերազմի դեմ հանուն խաղաղության և արդարացի հաշտության²⁸։ Այդ հայտարարությունը, թեև չէր առաջադրում պատերազմի դեմ պայքարի կոնկրետ միջոցներ, արժանացավ պատվիրակների մեծ հավանությանը և դարձավ միջազգային սոցիալիստական կապերի վերականգնման առաջին քայլերից մեկը։

Լուրջ վիճաբանություններ ծավալվեցին կոնֆերանսին ներկայացված մանիֆեստի երեք նախագծերի շուրջը։ Հատուկ հանձնաժողովը դրանք մշակելուց հետո մեկ միասնական տեքստով ներկայացրեց կոնֆերանսին։ Մանիֆեստում, որ ընդունվեց միաձայն, տեղ գտան հեղափոխական մարքսիզմի մի շարք դրույթներ՝ Լենինի և նրա համախոհների պահանջով։ Սակայն Լենինը միաժամանակ նշում էր, որ մանիֆեստը «տառապում է անհետևողականության մեջ և թերասպեկտիվ»²⁹։ Այսպես, մերկացնելով բուրժուազիայի սուտը, թե պատերազմը ծառայում է «հայրենիքի պաշտպանությանը», մանիֆեստը ոչինչ չէր ասում 2-րդ ինտերնացիոնալի լիդերների նույնատիպ կեղծիքի մա-

²⁵ Նույն տեղում, էջ 177։

²⁶ Տե՛ս «Социал-демократ», 11. x. 1915.

²⁷ Левые во втором Интернационале (Первая Циммервальдская конференция по заграничным материалам), изд. Кронштадтского комитета РСДРП, 1917, стр. 20.

²⁸ Տե՛ս «Социал-демократ», 11. x. 1915.

²⁹ Վ. Ի. Լենին, Երկեր, հ. 21, էջ 487։

սին, չէր բացահայտում նրա դավաճանությունը պատճառները, չէին տրվում սոցիալ-շովինիզմի բնութագիրը և նրա դեմ պայքարելու ձևերն ու մեթոդները: Նշելով, որ պատերազմի սարսափներից փրկվելու ուղին սոցիալիզմի համար մղվող հեղափոխական պայքարն է, մանիֆեստը պատերազմի դեմ վճռական պայքարի կոչ չէր անում³⁰:

Ստորագրելով մանիֆեստի տակ, Լենինը և մյուս ձախերը հայտարարեցին մանիֆեստի մի շարք դրույթների հետ իրենց համաձայն չլինելու մասին: Ձախերի հայտարարության մեջ ասվում էր. «Կոնֆերանսի ընդունած մանիֆեստը, մեզ լիովին չի բավարարում... Մենք մեր ձայնը տալիս ենք մանիֆեստի օգտին այն պատճառով, որ այն դիտում ենք որպես պայքարի կոչ, իսկ այդ պայքարում մենք ցանկանում ենք ընթանալ ինտերնացիոնալի մնացած մասերի հետ ձեռք-ձեռքի տված»³¹:

1915 թ. օրհասական էր հայ, լեհ և այլ ժողովուրդների համար: Սկսվել և բարձրորոշվող շարունակվում էր հայ ժողովրդի զանգվածային բնաջնջումը: Միջազգային սոցիալիստական կոնֆերանսը չէր կարող անտարբեր անցնել մի ամբողջ ժողովրդի ճակատագրի կողքով և իր ցավակցությունը հայտնեց ապատերազմի բազմաթիվ զոհերին, լեհական ու բելգիական ժողովուրդներին, հրեական ու հայ հալածվող ազգերին. բոլոր այն միլիոնավոր մարդկանց, որոնք տառապում են անսահման աղքատության ու ճնշման մեջ...»³²:

Կոնֆերանսում ձախերի մեծագույն նվաճումներից հանդիսացավ ինտերնացիոնալ սոցիալիստական հանձնաժողովի (ԻՍՀ) ստեղծումը, որի կազմում քննարկեցին Մորգարիտին, Շարլ Նենը, Ռ. Գրիմը (նախագահ) և Ա. Բալաբանովան (քարտուղար): Սակայն որոշվեց, որ դա ժամանակավոր օրգան է և չպետք է հակադրվի երկրորդ ինտերնացիոնալի միջազգային սոցիալիստական բյուրոյին:

Կոնֆերանսի ամենախոշոր նվաճումը ցիմերվալդյան ձախ խմբի մեջ հեղափոխական մարքսիստներին համախմբելն էր: Նրա մեջ բացի ռուսական ու լատիշական բոլշևիկներից, մտան նաև Լեհաստանի, Բուլղարիայի, Շվեդիայի, Նորվեգիայի, Շվեյցարիայի ու Գերմանիայի ձախ սոցիալ-դեմոկրատները: Շատ ձախ սոցիալ-դեմոկրատներ, որոնք հանդես էին գալիս իմպերիալիստական պատերազմի դեմ, կամ ձերբակալված էին (Կ. Ցետկին, Ռ. Լյուքսեմբուրգ), կամ ուղարկվել էին ռազմաճակատ (Կ. Լիրկենբախ) և չկարողացան մասնակցել կոնֆերանսին:

Վ. Ի. Լենինը ամենակտիվ կերպով պրոպագանդում էր ցիմերվալդյան ձախ թևի հայացքները: 1915 թ. հոկտեմբերին նա զեկուցումներով հանդես եկավ Լոդանում, Ժնևում և Ցյուրիխում:

1915 թ. դեկտեմբերի վերջին ցիմերվալդյան ձախերի մոտ միտք հղացավ ունենալ իրենց տեսական օրգան՝ «Vorboten» ամսագիրը: Նրա հրատարակիչներն էին Գ. Ռոլանդ-Հոլստը և Ա. Պանեկուկը: Ամսագիրը իր առաջ նպատակ դրեց օգնելու ցիմերվալդյան ձախին՝ տեսական պայքար մղելու սոցիալ-շովինիզմի և ցենտրիզմի դեմ:

³⁰ Տե՛ս նույն տեղում, էջ 487—490:

³¹ «Социал-демократ», 13. x. 1915.

³² Циммервальдская и Киятальская конференции (оф. документы), Л.—М., 1924, стр. 25.

Ցիմերվալդյան շարժումը արագորեն տարածվում էր բոլոր երկրներում: Արդեն 1915 թ. դեկտեմբերին Եվրոպայի ու ԱՄՆ-ի 28 սոցիալ-դեմոկրատական կուսակցություններից 13 կուսակցություն և 8 օպոզիցիոն խումբ որոշեցին միանալ ցիմերվալդյան միավորմանը: Ֆրանսիական սոցիալիստական, գերմանական ու դանիական սոցիալ-դեմոկրատական կուսակցությունները արտահայտվեցին այդ միավորման դեմ³³: Սակայն այդ երկրներում ևս ցիմերվալդյան շարժումը օրեցօր նոր կողմնակիցներ էր ձեռք բերում: Փարիզի ինտերնացիոնալ ակումբը հավանություն տվեց ցիմերվալդյան որոշումներին, գտնելով, որ այդ կոնֆերանսով կատարվեց առաջին քայլը պրոլետարիատի դասակարգային պայքարի վերածնման, 3-րդ ինտերնացիոնալի ստեղծման ճանապարհին³⁴:

Ցիմերվալդյան կոնֆերանսից հետո միջազգային սոցիալիստական բյուրոյի լիդերները մի շարք քայլեր ձեռնարկեցին ցիմերվալդի աճող ազդեցությունը թուլացնելու ուղղությամբ, պատճառաբանելով, որ իբր այն «վտանգ է սպառնում կուսակցության միասնությանը»:

Դյուխսմանսը և մյուս սոցիալ-շովինիստները օգտվում էին այն հանգամանքից, որ Գրիմի ղեկավարած ԻՍՀ-ն անհետևողական էր: Դեռևս 1915 թ. նոյեմբերի 27-ին Գրիմը հայտարարել էր, որ ԻՍՀ-ն ժամանակավոր կազմակերպություն է և լուծարքի կենթարկվի այն ժամանակ, երբ ՄՍԲ-ն առաջ կքաշի պատերազմի դեմ պայքար մղելու լուզունը³⁵: Սակայն 1916 թ. փետրվարի 5—9-ը Բեռնում տեղի ունեցած ԻՍՀ-ի նիստում, որին մասնակցում էր նաև Վ. Ի. Լենինը, Գրիմը ստիպված ետ վերցրեց իր հայտարարությունը: Խորհրդակցությունը որոշեց ցիմերվալդյան II կոնֆերանսը հրավիրել Շվեյցարիայի Կինտալ գյուղում: Միաժամանակ հանձնաժողովի աջ թևը հասավ այն բանին, որ որոշվեց անհատապես կոնֆերանս հրավիրել Կաուցկուն, Հաադեին և Բեռնշտայնին:

Երկրորդ սոցիալիստական կոնֆերանսի նախապատրաստմանը մասնակցում էր նաև բուլղարի կուսակցության «Սոցիալ-դեմոկրատ» թերթը:

Բուլղարիկները ԻՍՀ-ին ուղարկեցին «ՌՍԴԲԿ-ի ԿԿ-ի առաջարկությունը 2-րդ սոցիալիստական կոնֆերանսին»: Առաջարկության մեջ նշվում էր, որ «պատերազմի վերաբերմամբ արդեն երևան է եկել բանվոր դասակարգի երկու միանգամայն անհաշտ քաղաքականություն»³⁶: Լենինը ցույց էր տալիս, որ այդ պառակտման «առաջ կբերի բանվորական մասսաների մեջ շփոթություն, նրանց գիտակցության մթազնում, կոժվարացնի մասսայական հեղափոխական այն պայքարը, որին բոլոր ցիմերվալդականները պաշտոնապես համակրում են...»³⁷: Լենինը սոցիալիստների խնդիրն էր համարում մասսաներին բացատրել, որ պառակտումն անխուսափելի է նրանց հետ, ովքեր սոցիալիզմի դրոշմները բուրժուազիայի քաղաքականություն են վարում:

Ցիմերվալդյան երկրորդ կոնֆերանսը տեղի ունեցավ 1916 թ. ապրիլին՝ սկզբում Բեռնում, իսկ հետո Կինտալում: Մասնակցում էին 43 պատվիրակ.

³³ Տե՛ս ЦПА ИМЛ при ЦК КПСС, ф. 351, оп. 10, ед. хр. 27125, л. 106.

³⁴ Նույն տեղում, ед. хр. 29454, л. 1.

³⁵ «Пролетарская революция», № 9 (44), 1925, стр. 94.

³⁶ Վ. Ի. Լենին, Երկեր, հ. 22, էջ 30:

³⁷ Նույն տեղում, էջ 230:

ներանց թվում Գերմանիայի, Իտալիայի, Շվեյցարիայի Ռուսաստանի, Լեհաստանի, Պորտուգալիայի և Երիտասարդական միջազգային միության ներկայացուցիչները։ Վիզաներ չստանալու պատճառով կոնֆերանսին չկարողացան մասնակցել Անգլիայի, Բուլղարիայի, Ռումինիայի, ԱՄՆ-ի, Հունաստանի, Շվեդիայի պատվիրակները։ Կինտալի կոնֆերանսում ձախերին ղեկավարում էին Վ. Ի. Լենինը և Ռոզա Լյուքսեմբուրգը։ Ցիմերվալդյան ձախի մեջ մտան Բրեմենի ձախ ռադիկալների (Պ. Ֆրյոլիխ), Ֆրանսիական ինտերնացիոնալիստների հեղափոխական թևի (Ա. Գիլբո), Սերբիայի սոցիալ-դեմոկրատական կուսակցության (Տ. Կացլերովիչ), երիտասարդական ինտերնացիոնալի (Վ. Մյունցենբուրգ), Շվեյցարիայի (Պլատեն, Ռոմբան, Նոբս), գերմանական սպարտակյանների, Լեհական սոցիալ-դեմոկրատական կուսակցության գլխավոր վարչության (Լապինսկի) ներկայացուցիչները և իտալացի Սերատին՝ թվով 12 ձայն։ Որոշ հարցերում ցիմերվալդյան ձախ թևը ձեռք էր բերում 19 ձայն։ Կոնֆերանսում ցենտրիստները սահմանափակվեցին 2-րդ ինտերնացիոնալի դատարկ քննադատությամբ, սակայն հանդես եկան նրա հետ կապերը խզելու դեմ։ Նրանք գտնում էին, որ դավաճանության մեջ մեղավոր են ոչ միայն առաջնորդները, այլ նաև մասսաները, որոնք կուրորեն հետևում էին շովինիզմով տոգորված առաջնորդներին։ Գերմանական և ֆրանսիական ցենտրիստները առաջարկում էին մասնակցել միջազգային սոցիալիստական բյուրոյի նիստերին և ներսից «քննադատել այն»։

Ձախերը չհամաձայնվելով ցենտրիստական հարցադրմանը, հայտարարեցին, որ միջազգային սոցիալիստական բյուրոն անհրաժեշտ է ինտերնացիոնալի նախկին առաջնորդներին՝ պատերազմից հետո ինտերնացիոնալը «վերականգնելու» համար։ «Այդպիսի պայմաններում, — ընդգծում էին ձախերը, — աջակցել ՄՍԲ-ին, նպաստել նրա նիստերի հրավիրմանը, նշանակում է օգնել սոցիալ-հայրենասերներին խաբելու բանվորներին»³⁸։

Հարցի վերջնական լուծման համար ստեղծվեց հանձնաժողով (Հոֆման, Նեն, Լացարի, Լենին, Աքսելրոդ և Լա 2 հոգի)։ Ձայների մեծամասնությամբ անցավ ցենտրիստների առաջարկը։ Սակայն պայքարն այնքան ուժեղացավ, որ վերջիվերջո ընդունվեց կոմպրոմիսային որոշում։ ՄՍԲ-ի նիստ հրավիրելու դեպքում պետք է հրավիրվեր նաև ԻՍՀ-ի նիստ, որտեղ կմշակվեր ՄՍԲ-ի հանդեպ ունենալիք վերաբերմունք³⁹։

Կոնֆերանսը մերժեց բոլշևիկների լոզունգը՝ իմպերիալիստական պատերազմը քաղաքացիականի վերածելու մասին, թեև իր որոշման մեջ ընդգծեց, որ «կայուն խաղաղության համար մղվող պայքարը կարող է ավարտվել միայն սոցիալիզմի իրագործման համար մղվող պայքարում»⁴⁰։

Կինտալի կոնֆերանսը ընդունեց մանիֆեստ։ Դիմելով պատերազմող երկրների պրոլետարիատին, նա նրանց վճռական մարտի էր կոչում ընդդեմ պատերազմի⁴¹։

³⁸ «Социал-демократ», 10, VI, 1916.

³⁹ Տե՛ս Циммервальдская и Кинтальская конференции (оф. документы), Л.—М., 1924, стр. 54.

⁴⁰ Նույն տեղում, էջ 47։

⁴¹ Տե՛ս նույն տեղում, էջ 43։

Ինչպես Գիմերվալդյան առաջին, այնպես էլ երկրորդ կոնֆերանսը անտարբեր շանցավ հայ և մյուս ժողովուրդների ճակատագրի կողքով, իր բողոքը հայտնեց իմպերիալիստական պետությունների քաղաքականության դեմ: Կինտալի կոնֆերանսի մանիֆեստում նշվում է. «Ինչպես ցույց է տալիս բալկանյան պետությունների փորձը և, առանձնապես, Սերբիայի և Հայաստանի ճակատագիրը, փոքր պետությունները և ճնշված ազգերը հանդիսանում են միայն շախմատային ֆիգուրաներ մեծ տերությունների իմպերիալիստական խաղի մեջ»⁴²:

Այնուհետև բանաձևում ընդգծվում է, որ այդ ժողովուրդները պատերազմի ժամանակ խաղում են հասարակ զենքի դեր, իսկ սոցիալ-դեմոկրատական կուսակցությունները շարունակում են իրենց «հայրենիքի պաշտպանության» քաղաքականությունը, ոչնչով չնպաստելով ճնշված ժողովուրդների վիճակի բարելավմանը:

Ընդհանուր առմամբ Կինտալի կոնֆերանսը նոր քայլ էր միջազգային սոցիալիստական շարժման ճանապարհին: Նա ցույց տվեց, որ Գիմերվալդյան ձախերը Լենինի գլխավորությամբ դարձել են ազդեցիկ ուժ: Ակնհայտ էր, որ սոցիալ-դեմոկրատական կուսակցություններում արդեն առաջացել և գործում են այնպիսի խմբեր, որոնք վճռականորեն հանդես են գալիս սոցիալ-շովինիստների և ցենտրիստների դեմ:

Լենինը ցույց էր տալիս, որ տիրապետող դասակարգերի կողմից վարվող պատերազմը վտանգավոր էր դարձել հենց իրենց համար: Այդ պատճառով էլ նրանք փնտրում էին իմպերիալիստական հաշտություն կնքելու ուղիներ: Նրանց օգնում էին սոցիալ-շովինիստները, ինչպես և Գիմերվալդյան մեծամասնությունը՝ Կաուցկու գլխավորությամբ: Վ. Ի. Լենինը Կինտալի կոնֆերանսից հետո եկավ այն համոզման, որ Գիմերվալդյան շարժումը արդեն իրեն սպառել է: Այդ իսկ պատճառով նա հարց դրեց դուրս գալ այդ միավորումից, խզել կապերը ցենտրիստ կաուցկիականների հետ և ստեղծել հեղափոխական, մարքսիստական ինտերնացիոնալ: Վ. Ի. Լենինը հաշվի էր առնում այն հանգամանքը, որ ձախերը բավականին ուժեղացել էին և ի վիճակի էին իրենց հետևից տանելու մասսաներին:

Սոցիալ շովինիզմի կողմը առաջինը թեքվեց ԻՍՀ-ի նախագահ Ռ. Գրիմը: Լենինը գրում է. «Նա ուզում է համարվել ձախերի առաջնորդ, ԻՍՀ-ի նախագահ, Գիմերվալդականների ներկայացուցիչ և ղեկավար, նա բանվորներին խաբում է մեծին տեսակ ճ. հ. հեղափոխական» ֆրազներով, գործնականում դրանցով քողարկելով կուսակցության հին, սոցիալ-հայրենասիրական, բուրժուական-ռեֆորմիստական պրակտիկան»⁴³: Հետագայում Գրիմի օրինակին հետևեցին մյուս ցենտրիստները, Գիմերվալդյան մեծամասնությունը: Գիմերվալդը ակնհայտ կրախ էր ապրում: Այդ կրախը ավելի արագացավ Ռուսաստանում փետրվարյան հեղափոխության հաղթանակից հետո, որը հաստատեց բուլշևիկյան կուսակցության Լենինյան տակտիկայի կենսունակությունը: Նոր էտապ էր սկսվում հեղափոխական ինտերնացիոնալիստների համախմբման և կոմինտերնի ստեղծման ճանապարհին:

⁴² Նույն տեղում, էջ 53—54:

⁴³ Վ. Ի. Լ. Ե. Ի. Ե., Երկեր, հ. 23, էջ 298:

В. И. ЛЕНИН—ОРГАНИЗАТОР ЦИММЕР- ВАЛЬДСКОГО ДВИЖЕНИЯ

Г. Х. ДАРБИНЯН

Р е з ю м е

Первая мировая война, вспыхнувшая в 1914 г., ускорила крах Второго Интернационала. Социал-демократические партии перешли на сторону своих буржуазных правительств, голосовали за военные кредиты, в течение всей войны осуществляя лозунг «О защите отечества». Только партия большевиков во главе с В. И. Лениным и отдельные оппозиционные левые группы в разных странах выступали против империалистической войны, выдвигая требование о создании нового, революционного Интернационала.

В деле образования Коминтерна большую роль сыграло циммервальдское движение и возникшая в нем левая группа, организатором которой был В. И. Ленин.

В статье показана та большая работа, которую вели большевики во главе с В. И. Лениным за сплочение сил интернационалистов.

Но вскоре выяснилось что находящиеся в циммервальдском объединении центристы, каутскианцы не намерены продолжать борьбу против войны и империализма. Поэтому В. И. Ленин уже в конце 1916 года поставил вопрос о выходе из этого объединения и о создании революционного Интернационала только из левых, который продолжал бы лучше традиции первого Интернационала, основанного Марксом и Энгельсом.